

CYNGOR SIR CEREDIGION COUNTY COUNCIL

Adroddiad i'r: Pwyllgor Trosolwg a Chraffu Cymunedau Iachach

Dyddiad y cyfarfod: 22 Tachwedd 2023

Teitl: Gwasanaethau Arbenigol Porth Cynnal (Plant ac Oedolion)
Adroddiad Rheoli Perfformiad y Gwasanaeth Adolygu Annibynnol
Chwarter 1 2023 - 2024

Pwrpas yr adroddiad: Monitro cynnydd Plant sy'n Derbyn Gofal drwy waith craffu Swyddogion Adolygu Annibynnol o'u cynlluniau a'u lleoliadau yn ystod chwarter cyntaf 2023/2024. Mae'r wybodaeth hon yn cynorthwyo'r Aelodau i gyflawni eu swyddogaethau fel Rhieni Corfforaethol.

Rheswm y mae'r Pwyllgor Craffu wedi gofyn am y wybodaeth:

Er mwyn sicrhau bod yr Awdurdod Lleol a'r Aelodau yn gallu cyflawni eu dyletswyddau fel Rhieni Corfforaethol.

Cefndir

Atodir Adroddiad y Gwasanaeth Adolygu Annibynnol ar gyfer Chwarter 1 2023/2024.

Caiff adroddiadau chwarterol eu rhoi gerbron y Pwyllgor Trosolwg a Chraffu Cymunedau Iachach fel rhan o'r ystyriaeth barhaus o'r pwnc i sicrhau bod yr Awdurdod Lleol yn cyflawni ei ddyletswyddau fel y Rhiant Corfforaethol.

Mae'r adroddiad hwn yn cynnwys y safonau a'r targedau cenedlaethol a lleol a ddefnyddir i fesur y canlyniadau ar gyfer plant sy'n derbyn gofal a phlant sy'n gadael gofal adeg eu cyfarfod adolygu, ac mae'n cynnwys Dangosyddion Perfformiad Llywodraeth Cymru.

Ar sail y wybodaeth sydd ar gael a'r hyn a fynegwyd yn ystod y cyfarfod adolygu, mae'r Swyddog Adolygu Annibynnol yn llunio barn broffesiynol ynghylch effeithiolrwydd Cynllun Gofal y plentyn / person ifanc o ran bodloni ei anghenion, a gall argymhell newidiadau i'r Cynllun Gofal.

Yn ystod y cyfarfod adolygu bydd y Swyddog Adolygu Annibynnol yn ystyried a oes angen cymorth ar y plentyn / person ifanc i adnabod pobl eraill berthnasol i gael cyngor cyfreithiol / cymryd camau ar ei ran. Roedd y Swyddog Adolygu Annibynnol o'r farn bod angen gweithredu ar gyfer 2 berson ifanc yn ystod y cyfnod hwn.

Yn ogystal, mae'r Swyddog Adolygu Annibynnol yn ystyried a oes unrhyw dramgwydd yn erbyn hawliau dynol y plentyn / person ifanc a gallai gyfeirio'r achos i CAF/CASS Cymru. Ni chododd yr angen i wneud hynny mewn unrhyw gyfarfod adolygu yn ystod y cyfnod hwn.

Y Sefyllfa Bresennol

CRYNODEB O'R PWYNTIAU ALLWEDDOL:

- Ar ddiwedd Chwarter 1, roedd 125 o blant yn derbyn gofal o gymharu â 132 ar ddiwedd Chwarter 4.
- Cafodd 95 o blant eu hadolygu yn ystod y chwarter hwn o gymharu â 101 yn y chwarter blaenorol. Adolygwyd 94.7% o blant o fewn yr amserlen statudol.
- Roedd 20 plentyn wedi gadael gofal yn y chwarter hwn o gymharu â 3 yn Chwarter 4. Dychwelodd 2 blentyn adref at y teulu. Dirymwyd y gorchmynion gofal ar gyfer 15 plentyn. Symudodd 2 berson ifanc i lety â chymorth neu ddarpariaeth byw'n annibynnol neu i leoliad cysylltu bywydau, a symudodd 1 person ifanc i leoliad 'Pan rwyf yn barod'.
- O ran y lleoliadau ar gyfer y plant a adolygwyd yn ystod y chwarter hwn, roedd 24 mewn gofal maeth Awdurdod Lleol (yn y sir), 16 mewn lleoliadau gyda gofaluwr sy'n berthnasau yn y sir a 5 y tu allan i'r sir, 18 mewn lleoliadau Asiantaeth Faethu Annibynnol (7 yn y sir, 11 y tu allan i'r sir), cafodd 10 plentyn eu lleoli gyda rhieni, a chafodd 14 eu lleoli mewn darpariaeth gofal preswyl y tu allan i'r sir. Cafodd 3 phlentyn eu lleoli gyda theulu, cafodd 2 eu mabwysiadu, roedd 2 mewn lleoliadau preswyl ar gyfer mamau a babanod ac roedd 1 mewn llety â chymorth / lleoliad byw'n annibynnol.
- O'r adolygiadau a gynhaliwyd yn ystod y chwarter hwn lle'r oedd cynlluniau parhad wedi'i sefydlu, y cynllun ar gyfer 42 plentyn oedd y byddant yn cael eu gofalu drwy Ofal Maeth Hirdymor, byddai 20 plentyn yn aros gyda pherthnasau / aelodau o'r teulu, roedd 9 plentyn wedi'u lleoli â riant, roedd 5 plentyn yn destun tracio deul, byddai 5 plentyn yn cael eu mabwysiadu, roedd 2 blentyn yn cael gofal preswyl ac roedd 1 plentyn yn cael cefnogaeth er mwyn mynd yn ôl i fyw gyda'i rieni.
- Roedd 55 o blant yn derbyn gofal o dan statws cyfreithiol Gorchymyn Gofal Llawn, 17 o dan Orchymyn Gofal Dros Dro, 5 o dan Orchymyn Lleoli, ac 18 o dan Adran 76.
- O'r plant a adolygwyd yn ystod y chwarter hwn, cafodd 100% o'r plant ymweliad statudol, o gymharu â 98% yn Chwarter 4.
- Cofnodwyd bod 54.5% o'r Cynlluniau Gofal a Chymorth wedi'u sefydlu yn yr adolygiad cyntaf o gymharu â 46.7%. Roedd y ganran isel eto yn ystod y chwarter hwn oherwydd problemau staffio yn y Tîm Gofal Wedi'i Gynllunio oedd wedi atal cynlluniau rhag cael eu cwblhau mewn pryd.
- Nododd 95 (100.0%) o adolygiadau fod safbwyntiau diwylliannol y person ifanc wedi cael eu bodloni.
- Cydnabuwyd mewn 79 o adolygiadau bod anghenion crefyddol y person ifanc yn cael eu bodloni; ac o ran 16 adolygiad arall nid oedd yn hysbys a oedd yr anghenion wedi'u bodloni neu beidio. Roedd angen cyfieithydd ar gyfer 5 adolygiad a chafodd hynny ei ddarparu.
- Mewn 88 adolygiad cofnodwyd bod y plentyn / person ifanc yn Ddinesydd y Deyrnas Unedig, gyda 7 adolygiad yn nodi nad oedd y plentyn / person ifanc yn Ddinesydd y Deyrnas Unedig. Roedd 5 plentyn / person ifanc yn Blant ar eu Pennau eu Hunain sy'n Ceisio Lloches, ac nid oedd gan yr un ohonynt Statws Preswylwyr Sefydlog i Ddinasyddion yr Undeb Ewropeaidd. O ran 3 phlentyn / person ifanc arall nad oeddent yn Ddinasyddion y Deyrnas Unedig, roedd ganddynt Statws Preswylwyr Sefydlog i Ddinasyddion yr Undeb Ewropeaidd. Cofnodwyd ymhob un o'r 5 adolygiad nad oedd cais wedi cael ei wneud ar gyfer Statws Preswylwyr Sefydlog i Ddinasyddion yr Undeb Ewropeaidd; fodd bynnag

cofnodwyd ymhob un o'r 5 adolygiad fod y person ifanc yn cael ei gefnogi gyda hyn.

- Canran y plant (â digon o grebwyll) oedd yn deall y rheswm dros dderbyn gofal oedd 93.2%.
- Canran y plant â digon o grebwyll oedd wedi cymryd rhan neu a gafodd eu hymgyngori ynghylch eu hadolygiad oedd 100%.
- Canran y plant a gafodd wybod am eu hawl i gael Gwasanaeth Eirioli oedd 88.3%.
- Canran y Plant sy'n Derbyn Gofal o oed ysgol oedd â Chynllun Addysg Personol yn ei le o fewn 20 diwrnod ysgol ar ôl iddynt ddechrau derbyn gofal neu ar ôl dechrau mewn ysgol newydd yn ystod y chwarter hwn oedd 93.8%.
- Canran y Plant sy'n Derbyn Gofal a gafodd asesiadau iechyd yn unol â'r gofynion statudol oedd 93.7%.
- Canran y rhieni roedd y Gweithiwr Cymdeithasol wedi ymgynghori â hwy cyn yr adolygiad neu a fu'n bresennol yn yr adolygiad oedd 100%.
- Cynhaliwyd 17 Adolygiad o Gynlluniau Llwybr yn ystod y chwarter hwn o gymharu â 30 yn Chwarter 4. Cynhaliwyd 82.4% Adolygiad o Gynlluniau Llwybr o fewn y terfynau amser.
- Canran y bobl ifanc ag Ymgynghorydd Personol / Gweithiwr Cymdeithasol dynodedig oedd 100% yn ystod y chwarter hwn.
- Canran y bobl ifanc yr ymgynghorwyd â hwy ar gyfer eu cyfarfod adolygu yn ystod y chwarter hwn oedd 94.1%

Llesiant Cenedlaethau'r Dyfodol:

A gwblhawyd Asesiad Effaith Integredig? Os naddo, esboniwch pam.

Naddo

Crynodeb o'r Asesiad Effaith Integredig:

Caiff yr adroddiad hwn ei ddarparu'n barhaus ac mae'n dangos y gwaith parhaus a wneir gyda Phlant sy'n Derbyn Gofal yng Ngheredigion.

Hirdymor:	Cael cydbwysedd rhwng anghenion tymor byr a chynllunio hirdymor ar gyfer y dyfodol.
Cydweithio:	Cydweithio â phartneriaid eraill i gyrraedd y nod.
Cynnwys:	Cynnwys y rhai hynny sydd â diddordeb a cheisio eu safbwyntiau; ymgysylltu ac ymgynghori â rhanddeiliaid.
Atal:	Defnyddio adnoddau i atal problemau rhag codi neu waethygu.
Integreiddio:	Effeithio'n gadarnhaol ar bobl, yr economi, yr amgylchedd a'r diwylliant a cheisio dod â budd i bob un ohonynt.

Argymhelliad:

Nodi cynnwys yr adroddiad a'r lefelau o weithgarwch o fewn yr Awdurdod Lleol.

Rheswm dros y penderfyniad:

Er mwyn monitro dull llywodraethu gweithgarwch yr Awdurdod Lleol a'i asiantaethau partner ar gyfer Plant sy'n Derbyn Gofal.

Enw Cyswllt: Audrey Somerton-Edwards

Swydd: Swyddog Arweiniol Corfforaethol: Plant a Theuluoedd

Dyddiad yr Adroddiad: 26 Medi 2023

Acronymau:

CAFCASS - Gwasanaeth Cyngori a Chynorthwyo Llys i Blant a Theuluoedd

CAMHS - Gwasanaethau Iechyd Meddwl Plant a'r Glasoed

NEET – Heb fod mewn Addysg, Gwaith na Hyfforddiant

Cyngor Sir CEREDIGION County Council

Gwasanaeth Diogelu

Adroddiad Rheoli Perfformiad y Gwasanaeth Adolygu Annibynnol

Chwarter 1: 1 Ebrill 2023 – 30 Mehefin 2023



...yn gofalu i wneud gwahaniaeth
...taking care to make a difference

CYNNWYS		
TUDALEN:		
ADRAN UN:	CYFLWYNIAD	3
ADRAN DAU:	CYNLLUNIO GOFAL	4
ADRAN TRI:	YMGYNGHORI A CHYFRANOGI	22
ADRAN PEDWAR:	PROTOCOL DATRYS PROBLEMAU	25
ADRAN PUMP:	GWERTHUSO	25
ADRAN CHWECH:	CYNLLUNIAU LLWYBR	26
ADRAN SAITH:	GOFAL SEIBIANT BYR RHEOLAIDD	28
ADRAN WYTH:	GOFAL SEIBIANT BYR	29

ADRAN UN: CYFLWYNIAD

Mae'r adroddiad hwn yn darparu gwybodaeth a gasglwyd gan y Gwasanaeth Sicrhau Ansawdd ac Adolygu Annibynnol er mwyn monitro perfformiad a sicrhau ansawdd y gwasanaethau i blant sy'n derbyn gofal, plant sy'n gadael gofal, plant sydd mewn lleoliadau preswyl, a phlant sy'n derbyn gofal seibiant a seibiannau byr. Mae'r wybodaeth yn seiliedig ar y ffurflenni monitro a gwblhawyd gan y Swyddogion Adolygu Annibynnol yn dilyn pob cyfarfod adolygu yn ystod y chwarter hwn, ynghyd â gwybodaeth arall am berfformiad a gedwir gan y Gwasanaeth Plant a Theuluoedd.

MEINCNODI

Mae'r adroddiad hwn yn cynnwys y mesurau a'r targedau cenedlaethol a lleol a ddefnyddir i fesur y canlyniadau ar gyfer plant sy'n derbyn gofal a phlant sydd wedi gadael gofal adeg eu cyfarfod adolygu.

Ar sail yr wybodaeth sydd ar gael a'r hyn a fynegwyd yn ystod y cyfarfod adolygu, mae'r Swyddog Adolygu Annibynnol yn llunio barn broffesiynol ynghylch effeithiolrwydd cynllun gofal y plentyn / person ifanc o ran bodloni ei anghenion a bydd yn tynnu sylw rheolwyr at ymarfer diffygiol.


Yn ystod y cyfarfod adolygu bydd y Swyddog Adolygu Annibynnol yn ystyried a oes angen cymorth ar y plentyn / person ifanc i adnabod pobl eraill berthnasol i gael cyngor cyfreithiol / cymryd camau ar ei ran. Barnwyd bod angen gwneud hyn ar gyfer 2 blentyn / person ifanc yn ystod y cyfnod dan sylw.

Yn ogystal, mae'r Swyddog Adolygu Annibynnol yn ystyried a oes unrhyw dramgwydd yn erbyn hawliau dynol y plentyn / person ifanc a gallai gyfeirio'r achos at CAF/CASS Cymru. Ni chododd yr angen i wneud hynny mewn unrhyw adolygiad yn ystod y cyfnod hwn.

ADRAN DAU CYNLLUNIO GOFAL

1. Y Prif Ffigurau ar gyfer Chwarter 1:

Mae'r tabl a'r siart isod yn nodi cyfanswm y Plant sy'n Derbyn Gofal ar ddiwedd bob chwarter gan ddechrau gyda'r chwarter diweddaraf.	
30 Mehefin 2023	125
31 Mawrth 2023	132
31 Rhagfyr 2022	122
30 Medi 2022	112
30 Mehefin 2022	105
31 Mawrth 2022	100
31 Rhagfyr 2021	97
30 Medi 2021	91
30 Mehefin 2021	89



2. Nifer a chanran yr adolygiadau o Blant sy'n Derbyn Gofal a gynhaliwyd o fewn y terfynau amser statudol.


Y targed a bennwyd 100% - Yr hyn a gyflawnwyd 94.7%

Adolygwyd 95 o blant yn ystod y chwarter hwn.


- Cynhaliwyd 90 (94.7%) o'r cyfarfodydd adolygu Plant sy'n Derbyn Gofal o fewn y terfynau amser statudol.
- Cynhaliwyd 5 (5.3%) o'r cyfarfodydd adolygu Plant sy'n Derbyn Gofal y tu allan i'r terfynau amser statudol; cofnodwyd y rhesymau canlynol:-
 - Bu oedi o ran adolygiadau ar gyfer grŵp o 3 brawd a chwaer oherwydd penblwydd un o'r bobl ifanc ac argaeledd y gofalwr.

- Bu oedi o ran 1 cyfarfod adolygu er mwyn galluogi i'r plentyn ifanc fod yn bresennol a bu oedi o ran un cyfarfod adolygu arall oherwydd argaeledd y gweithiwr cymdeithasol.

	Ebr – Meh 2023	Ion- Maw 2023	Hyd - Rhag 2022	Gor - Medi 2022	Ebr - Meh 2022
Nifer y plant a adolygwyd yn ystod y chwarter	95	101	116	63	83
Nifer yr adolygiadau a gynhaliwyd o fewn y terfynau amser	90	95	99	56	75
Nifer yr adolygiadau a gynhaliwyd y tu allan i'r terfynau amser	5	6	17	7	8



3. Oed a rhyw'r plant a adolygwyd yn ystod y chwarter hwn:



4. Anghenion Diwylliannol, Crefyddol ac Ieithyddol

Nododd 95 (100.0%) adolygiad fod safbwyntiau diwylliannol y person ifanc yn cael eu bodloni.

Cydnabuwyd mewn 79 adolygiad fod anghenion crefyddol y person ifanc yn cael eu bodloni; mewn 16 adolygiad arall nid oedd yn hysbys a oedd yr anghenion yn cael eu bodloni neu beidio.

Roedd angen cyfieithydd ar gyfer 5 adolygiad a chafodd hyn ei ddarparu ar gyfer pob un ohonynt.

5 Dinasyddiaeth

Mewn 88 adolygiad cofnodwyd bod y plentyn / person ifanc yn Ddinesydd y Deyrnas Unedig, gyda 7 adolygiad yn nodi nad oedd y plentyn / person ifanc yn Ddinesydd y Deyrnas Unedig.


Roedd 5 plentyn / person ifanc yn Blant ar eu Pennau eu Hunain sy'n Ceisio Lloches, ac nid oedd gan yr un ohonynt Statws Preswylwyr Sefydlog i Ddinasyddion yr Undeb Ewropeaidd.

O ran 3 phlentyn / person ifanc arall nad oeddent yn Ddinasyddion y Deyrnas Unedig, roedd ganddynt Statws Preswylwyr Sefydlog i Ddinasyddion yr Undeb Ewropeaidd.

Cofnododd pob un o'r 5 adolygiad nad oedd cais wedi cael ei wneud ar gyfer Statws Preswylwyr Sefydlog i Ddinasyddion yr Undeb Ewropeaidd; fodd bynnag cofnododd pob un o'r 5 adolygiad fod y person ifanc yn cael ei gefnogi gyda hyn.

6 Natur lleoliadau'r plant a adolygwyd yn ystod y chwarter hwn:


Math o Leoliad	Yn y Sir	Tu Allan i'r Sir	Cyfanswm
Gofalwyr Maeth yr Awdurdod Lleol	24		24
Gofalwyr sy'n Berthnasau	16	5	21
Gofalwyr Asiantaeth Faethu Annibynnol	7	11	18
Lleoli â Rhieni	7	3	10
Arall			
Lleoli â Theulu	1	2	3
Preswyl		14	14
Mabwysiadu		2	2
Preswyl Mamau a Babanod		2	2
Gofalwyr Maeth Asiantaeth Faethu Annibynnol Mamau a Babanod			
Ysbyty			
Llety â Chymorth / Byw'n Annibynnol		1	1
	55	40	95



Nododd 5 adolygiad fod y person ifanc yn blentyn ar ei ben ei hun a chawsant eu rhoi mewn lleoliad gofal nad oedd yn bodloni eu hanghenion o ran eu hiaith gyntaf. Roedd cyfieithydd yn bresennol ar gyfer 4 adolygiad er mwyn i'r person ifanc allu cyfrannu'n briodol. Trefnwyd cyfieithydd ar gyfer yr adolygiad arall ond nid oedd yn gallu bod yn bresennol ar y diwrnod.

7. Statws cyfreithiol y plant a adolygwyd yn ystod y chwarter hwn:

Statws cyfreithiol y plant a adolygwyd	
Gorchymyn Gofal Llawn	55
Gorchymyn Gofal Dros Dro	17
Gorchymyn Lleoli	5
Adran 76	18
Cyfanswm	95




Awdurdod Dirprwyedig

Cadarnhawyd bod awdurdod dirprwyedig wedi'i sefydlu ar gyfer 68 o blant a adolygwyd, a nodwyd mewn 5 adolygiad nad oedd hyn wedi'i wneud eto. Ni wyddys a oedd hyn wedi digwydd mewn 9 adolygiad a chofnodwyd mewn 13 adolygiad arall nad oedd hyn yn berthnasol i'r achos.

8. Y rhesymau pam fod y plant a adolygwyd wedi gadael gofal

Cyfnod	Y nifer sydd wedi gadael gofal	Y rheswm dros adael gofal				
		Mabwysiadu	Dychwelyd adref at y teulu	'Pan rwyf yn barod'	Dirymu'r Gorchymyn Gofal	Llety â chymorth / Byw'n Annibynnol / Cysylltu Bywydau
Ebr - Meh 2023	20	0	2	1	15	2
Ion - Maw 2023	3	1	0	0	0	2
Hyd - Rhag 2022	8	0	6	1	0	1
Gor - Medi 2022	6	1	1	1	3	0
Cyfanswm	37	2	9	3	18	5



9. Nifer a chanran y Plant sy'n Derbyn Gofal sydd â Gweithiwr Cymdeithasol dynodedig.


Y targed a bennwyd 100% - Yr hyn a gyflawnwyd 100.0%

- Cofnodwyd mewn 95 (100.0%) adolygiad o Blant sy'n Derbyn Gofal fod Gweithiwr Cymdeithasol cymwys wedi'i bennu ac yn gweithio gyda'r plentyn.

10. Nifer a chanran yr ymweliadau statudol â Phlant sy'n Derbyn Gofal o dan adolygiad a gynhaliwyd o fewn y terfynau amser gofynnol.

Y targed a bennwyd 100% - Yr hyn a gyflawnwyd 100.0%


- Derbyniodd 95 (100.0%) o Blant sy'n Derbyn Gofal ymweliadau gan Weithiwr Cymdeithasol yn unol â'r gofynion statudol.



11. Nifer a chanran y Cynlluniau Gofal a Chymorth (Rhan 6) a oedd wedi'u sefydlu erbyn dyddiad y lleoliad cyntaf a'r cynlluniau cyfredol a oedd ar gael ar gyfer yr adolygiad.

Y targed a bennwyd 100% - Yr hyn a gyflawnwyd 54.5%

- Daeth 11 o blant yn Blant sy'n Derbyn Gofal yn ystod y chwarter hwn; cofnodwyd mewn 6 (54.5%) chyfarfod adolygu fod gan y plentyn / person ifanc Gynllun Gofal a Chymorth (Rhan 6) wedi'i sefydlu erbyn dyddiad ei lleoliad. Nid oedd Cynllun Gofal a Chymorth (Rhan 6) wedi'i sefydlu erbyn dyddiad y lleoliad ar gyfer y 5 plentyn / person ifanc arall.



- Cofnodwyd mewn 82 (86.3%) adolygiad fod y Cynllun Gofal a Chymorth (Rhan 6) yn gyfredol.


- Nododd y Swyddog Adolygu Annibynnol fod angen diweddarau cofnodion y Cynllun Gofal a Chymorth (Rhan 6) ar gyfer 13 plentyn. Nodwyd bod dal angen diweddarau'r Cynllun Gofal a Chymorth ar gyfer 11 plentyn / person ifanc.
- 12. Nifer a chanran y Plant sy'n Derbyn Gofal oedd â Chynllun Parhad wedi'i sefydlu erbyn yr ail adolygiad os na chynlluniwyd ar gyfer dychwelyd adref.**

Y targed a bennwyd 100% - Yr hyn a gyflawnwyd 62.5%


- Cynhaliwyd 8 ail adolygiad yn ystod y chwarter hwn, a chofnodwyd mewn 5 adolygiad (62.5%) fod Cynllun Parhad wedi'i gytuno, o gymharu ag 83.3% yn y chwarter blaenorol.
- Mewn 4 (4.2%) adolygiad yn ystod y cyfnod hwn, cofnododd y Swyddog Adolygu Annibynnol bryderon ynghylch cynnydd y Lleoliad / Cynllun Gofal a Chymorth / Cynllun Parhad.

Dyma oedd natur y pryderon:-


- Nodwyd bod y person ifanc mewn lleoliad tymor byr ar hyn o bryd a bod ganddo gynllun i symud i leoliad hirdymor. Roedd hyn wedi'i godi mewn adolygiadau blaenorol ond nid oedd wedi'i ddatrys. Roedd lleoliad a nodwyd ar ddechrau'r flwyddyn wedi methu ac roedd hyn wedi bwrw'r person ifanc.
- Pryderon ynghylch gallu'r rhiant i weithio â'r Awdurdod Lleol a'r effaith ar allu'r person ifanc i gael mynediad at weithgareddau neu i gael pasbort os ydy'r rhiant yn gwrthod hyn.
- Mae angen gwneud penderfyniadau ynghylch trefniadau gofal hirdymor y person ifanc cyn gynted â phosib. Mae effaith emosiynol newidiadau i ofal ar y person ifanc yn amlwg ac mae ef / hi angen sicrwydd ynghylch lle y bydd yn byw.
- Oedi o ran asesu a chyflwyno'r achos i'r Llys er mwyn dirymu.



13. Yr hyd o amser mewn gofal:



14: Natur y Cynlluniau Parhad:




15. Nifer a chanran y Plant sy'n Derbyn Gofal a gafodd ofal seibiant byr gan rywun heblaw eu prif ofalwyr.

- Mewn 8 (8.4%) adolygiad o Blant sy'n Derbyn Gofal nodwyd bod y plentyn / person ifanc yn cael gofal seibiant byr gan rywun heblaw eu prif ofalwyr; nododd pob un o'r adolygiadau hyn fod y gofal seibiant yn bodloni anghenion y plant / pobl ifanc.

16. Nifer a chanran y bobl ifanc gymwys sydd â Chynllun Llwybr yn unol â'r gofynion.

Y targed a bennwyd 100% - Yr hyn a gyflawnwyd: 46.2%

- Mewn 6 (46.2%) adolygiad cofnodwyd bod Cynllun Llwybr wedi'i sefydlu a bod Ymgynghorydd Personol wedi'i bennu ar gyfer y person ifanc.
- Mewn 7 (53.8%) adolygiad cofnodwyd nad oedd gan y person ifanc Gynllun Llwybr wedi'i sefydlu.
- Nododd 11 o'r adolygiadau uchod fod Ymgynghorydd Personol wedi'i bennu ar gyfer y bobl ifanc, fodd bynnag nododd 2 adolygiad nad oedd Ymgynghorydd Personol wedi'i bennu eto.



17. Nifer a chanran y Plant sy'n Derbyn Gofal (fel y bo'n briodol o ran eu hoedran a'u crebwyll) oedd yn deall y rhesymau pam eu bod yn derbyn gofal.

Y targed a bennwyd 100% - Yr hyn a gyflawnwyd 93.2%

- Mae'r data ar gyfer y dangosydd perfformiad hwn yn ymwneud â 73 o blant / pobl ifanc, oherwydd barnwyd nad oedd 22 plentyn / person yn ddigon hen nac yn meddu ar ddigon o grebwyll i ddeall pam eu bod yn derbyn gofal.
- Roedd 68 (93.2%) yn y grŵp hwn yn dangos rhyw fath o ddealltwriaeth pam eu bod yn derbyn gofal gan rywun heblaw am eu teuluoedd, o gymharu â 95.3% yn y chwarter blaenorol.
- Nododd 5 (6.8%) adolygiad fod angen gwneud gwaith Taith Bywyd gyda'r plant / pobl ifanc er mwyn eu helpu i ddeall pam eu bod yn derbyn gofal.

18. Nifer a chanran y Plant sy'n Derbyn Gofal (fel y bo'n briodol o ran eu hoedran a'u crebwyll) oedd yn deall eu Cynllun Gofal a Chymorth.

Mae'r data ar gyfer y dangosydd perfformiad hwn yn ymwneud â 68 plentyn / person ifanc oherwydd barnwyd nad oedd 27 plentyn / person ifanc yn ddigon hen nac yn meddu ar ddigon o grebwyll, ac felly fe'u diystyriwyd o'r ffigurau.

- Roedd 64 (94.1%) yn y grŵp hwn yn dangos rhyw fath o ddealltwriaeth o'r hyn a oedd yn eu Cynlluniau Gofal a Chymorth (Rhan 6).
- Cofnodwyd mewn 4 (5.9%) adolygiad fod angen rhannu hyn gyda'r plant / pobl ifanc.

19. Mesur Cenedlaethol 33: Nifer a chanran yr achosion o symud Plant sy'n Derbyn Gofal.

- Mewn 17 (17.9%) adolygiad cofnodwyd bod y plentyn / person ifanc wedi symud lleoliad yn ystod y chwarter hwn; o gymharu â 6.9% yn y chwarter blaenorol.

Dyma oedd y rhesymau dros newid y lleoliadau:

- Cynlluniwyd ar gyfer symud 2 frawd / chwaer i leoliad hirdymor gyda pherthnasau. Cynlluniwyd ar gyfer symud 2 frawd / chwaer arall o leoliad tymor byr i leoliad preswyl hirdymor, a chynlluniwyd ar gyfer symud 1 plentyn arall o leoliad preswyl tymor byr i leoliad preswyl hirdymor.
- Ar gyfer 1 person ifanc cynlluniwyd ar gyfer symud o leoliad maethu tymor byr i leoliad preswyl ar gyfer mamau a babanod.
- Bu achos o symud 2 frawd / chwaer nad oedd wedi'i gynllunio i leoliad seibiant byr oherwydd salwch y gofalwr, ac yna cynlluniwyd ar gyfer eu symud i leoliad maethu hirdymor.
- Cyflwynodd 3 gofalwr maeth gwahanol hysbysiad terfynu ar gyfer eu lleoliadau unigol; ar gyfer 1 plentyn arweiniodd hyn at gynllunio ei symud o leoliad maethu tymor byr i leoliad maethu tymor byr arall; cynlluniwyd ar gyfer symud 1 plentyn arall o leoliad maethu hirdymor i leoliad maethu tymor byr. Cynlluniwyd ar gyfer symud 1 plentyn arall o leoliad maethu hirdymor i leoliad preswyl hirdymor.
- Cynlluniwyd ar gyfer symud un person ifanc rhwng perthnasau, a symudodd un person ifanc o leoliad byw â chymorth tymor byr i leoliad byw â chymorth tymor byr arall am nad oedd y lleoliad yn addas.
- Bu achos o symud 1 person ifanc nad oedd wedi'i gynllunio, o leoliad tymor byr i leoliad tymor byr arall oherwydd nid oedd y gofalwr maeth yn gallu rheoli'r person ifanc.
- Bu achos o symud 1 person ifanc arall nad oedd wedi'i gynllunio, o leoliad preswyl hirdymor i leoliad tymor byr heb ei reoleiddio gan nad oedd y lleoliad blaenorol yn bodloni anghenion y person ifanc.

Cafodd 4 plentyn eu symud, a hynny heb ei gynllunio, ac ni nodwyd mewn unrhyw adolygiad fod Cyfarfod Sefydlogrwydd wedi'i gynnal ar gyfer y plant hyn o fewn 6 wythnos wedi iddynt symud i leoliad newydd.

20 Nifer a chanran y cynlluniau lleoli (gan gynnwys darpariaeth addysg ac iechyd) yr aseswyd eu bod yn bodloni anghenion y Plant sy'n Derbyn Gofal.

Y targed a bennwyd 100% - Yr hyn a gyflawnwyd 95.8%

- Cofnodwyd bod 91 (95.8%) o'r cynlluniau lleoli / gofal a chymorth yn bodloni anghenion y plant / pobl ifanc, o gymharu â 95.0 yn y chwarter blaenorol.
- Cofnodwyd mewn 4 (4.2%) adolygiad nad oedd y cynlluniau lleoli / gofal a chymorth yn bodloni anghenion y plant / pobl ifanc. Dyma oedd y rhesymau a gofnodwyd:
 - Nodwyd bod angen amgylchedd mwy meithringar sy'n dangos mwy o gydymdeimlad ar gyfer 2 frawd / chwaer a adolygwyd oherwydd bod y gofalwyr maeth yn negyddol.
 - Er bod y lleoliad yn bodloni anghenion sylfaenol 1 person ifanc a adolygwyd, roedd angen canfod lleoliad sengl a meithringar arall.
 - Mewn adolygiad ar gyfer person ifanc arall, roedd gan y Swyddog Diogelu ac Adolygu Annibynnol bryderon ynghylch iechyd meddwl ac ymddangosiad y person ifanc yn ystod ac ar ôl yr adolygiad oherwydd y pwysau ar y person ifanc fel rhan o'r asesiad disgwylidig yn y lleoliad. Nododd y Swyddog Diogelu ac Adolygu Annibynnol fod y person ifanc angen rhywun i'w gefnogi a gofalu amdano ac roedd yn poeni nad oedd anghenion y person ifanc yn cael eu hystyried.

21. Nifer a chanran y pryderon diogelu a nodwyd mewn perthynas â Phlant sy'n Derbyn Gofal yn ystod y chwarter hwn.

- Mewn 2 (2.1%) adolygiad o Blant sy'n Derbyn Gofal nodwyd bod pryderon diogelu o ran y person ifanc; cadarnhawyd bod y pryderon yn cael sylw.


22. Nifer y Plant sy'n Derbyn Gofal a enwir ar y Gofrestr Amddiffyn Plant.

- Mewn 5 (5.3%) adolygiad yn ystod y chwarter hwn, cadarnhawyd bod enw'r person ifanc wedi'i gynnwys ar y Gofrestr Amddiffyn Plant.

23. Nifer a chanran y Plant sy'n Derbyn Gofal a gafodd Asesiadau Iechyd yn unol â'r gofynion statudol.

Y targed a bennwyd 100% - Yr hyn a gyflawnwyd 93.7%

- Roedd 89 (93.7%) o'r plant / pobl ifanc sy'n derbyn gofal wedi cael asesiad iechyd erbyn eu hadolygiad, o gymharu â 96.0% yn y chwarter blaenorol.
 - Mewn 7 (63.6%) adolygiad cyntaf cofnodwyd bod yr asesiad iechyd wedi'i gwblhau o fewn 4 wythnos wedi i'r plentyn ddechrau derbyn gofal.
 - Mewn 4 (36.4%) adolygiad cyntaf, cofnodwyd nad oedd yr Asesiad Iechyd wedi'i gwblhau o fewn 4 wythnos wedi i'r plentyn ddechrau derbyn gofal.
 - Mewn 82 (97.6%) adolygiad arall cofnodwyd bod Asesiadau Iechyd yn cael eu cynnal bob 6 mis ar gyfer plant o dan 5 oed a phob 12 mis ar gyfer plant dros 5 oed.
 - Mewn 2 (2.4%) adolygiad nodwyd nad oedd yr Asesiadau Iechyd wedi'u cwblhau o fewn 6 mis ar gyfer plant o dan 5 oed a phob 12 mis ar gyfer plant dros 5 oed.
- Nid oedd gan 6 (6.3%) phlentyn / person ifanc asesiad iechyd cyfredol yn eu hadolygiad; fodd bynnag mae pob un o'r rhain wedi'u cwblhau ers hynny.



Sylw: Ceir oedi yn aml oherwydd nad ydy gweithwyr proffesiynol yn darparu gwybodaeth fanwl er mwyn gallu cynnal asesiadau y tu allan i'r ardal.

24. Canran y plant a oedd wedi cofrestru gyda deintydd o fewn 20 diwrnod gwaith ar ôl dechrau derbyn gofal.

Y targed a bennwyd 100% - Yr hyn a gyflawnwyd 75.0%

Wedi cofrestru gyda deintydd

Mae'r data ynghylch cofrestru plant / pobl ifanc gyda deintydd o fewn 20 diwrnod ar ôl iddynt ddechrau derbyn gofal yn ymwneud ag 8 plentyn / person ifanc.

- Mewn 6 (75.0%) adolygiad cofnodwyd bod y plentyn / person ifanc wedi cofrestru gyda deintydd o fewn 20 diwrnod gwaith ar ôl dechrau'r lleoliad.
- Mewn 2 (25.0%) adolygiad nodwyd nad oedd y plentyn / person ifanc wedi cofrestru gyda deintydd eto.

Cofrestru â deintydd

Mae'r data ar gyfer y dangosydd perfformiad hwn yn ymwneud ag 84 plentyn / person ifanc oherwydd diystyriwyd 11 plentyn / person ifanc a oedd yn cael eu hadolygiad cyntaf o'r ffigurau uchod er mwyn bodloni gofynion y Mesur Cenedlaethol.

- Roedd 70 (83.3%) o blant a phobl ifanc wedi cofrestru gyda deintydd, o gymharu ag 84.9% yn y chwarter blaenorol.
- Roedd angen cofrestru 14 (16.7%) o blant / pobl ifanc gyda deintydd.

Sylw: Ar ôl yr adolygiadau, mae pob un plentyn wedi'u cyfeirio at / wedi'u cofrestru gyda deintydd lleol.

25. Mesur Cenedlaethol 30: Nifer a chanran y Plant sy'n Derbyn Gofal oedd wedi cael eu gweld gan ddeintydd o fewn 3 mis ar ôl dechrau derbyn gofal.

Wedi cael ei weld gan ddeintydd

Mae'r data ynghylch cael ei weld gan ddeintydd o fewn 3 mis ar ôl dechrau derbyn gofal yn ymwneud ag 8 plentyn.

- Cofnodwyd mewn 4 (50.0%) adolygiad fod y plentyn / person ifanc wedi cael ei weld gan ddeintydd cofrestredig o fewn 3 mis ar ôl dechrau derbyn gofal.
- Cofnodwyd mewn 4 (50.0%) adolygiad nad oedd y plentyn / person ifanc wedi cael ei weld gan ddeintydd cofrestredig o fewn 3 mis ar ôl dechrau derbyn gofal.


Sylw: Roedd 2 o'r bobl ifanc hyn wedi'u lleoli y tu allan i'r sir.

Wedi cael ei weld gan ddeintydd

Y targed a bennwyd 90% - Yr hyn a gyflawnwyd 80.8%

Mae'r data ar gyfer y dangosydd perfformiad hwn yn ymwneud â 78 plentyn / person ifanc gan fod 17 plentyn / person ifanc yn iau na 2 oed a / neu'n cael eu hadolygiad cyntaf, felly fe'u diystyriwyd o'r ffigurau uchod er mwyn bodloni gofynion y Mesurau Cenedlaethol.

- Cofnodwyd bod 63 (80.8%) o blant a phobl ifanc wedi gweld deintydd yn y 12 mis blaenorol, o gymharu â 77.6% yn y chwarter blaenorol.
- Cofnodwyd nad oedd 15 (19.2%) o blant a phobl ifanc wedi gweld deintydd.



26. Mesur Cenedlaethol 31: Canran y Plant sy'n Derbyn Gofal a oedd wedi'u cofrestru gyda Meddyg Teulu ymhen 10 niwrnod gwaith ar ôl dechrau yn eu lleoliad.

- Mewn 21 (80.8%) adolygiad cofnodwyd bod y plentyn wedi cofrestru gyda darparwr gwasanaethau meddygol cyffredinol ymhen 10 niwrnod gwaith ar ôl dechrau yn y lleoliad.
- Adroddwyd mewn 5 (19.2%) adolygiad nad oedd y cam gweithredu hwn wedi'i gwblhau adeg yr adolygiad. Cofnodwyd ar ôl yr adolygiadau bod pob un o'r 5 plentyn wedi'u cofrestru â Meddyg Teulu erbyn hyn.

27. Nifer a chanran y Plant sy'n Derbyn Gofal a oedd wedi'u cofrestru gyda Meddyg Teulu.

Y targed a bennwyd 100% - Yr hyn a gyflawnwyd 100.0%

- Roedd 95 (100.0%) o blant a phobl ifanc wedi'u cofrestru gyda meddyg teulu, sy'n gyson â'r chwarter blaenorol.
- Roedd 82 (89.1%) o blant wedi cael eu holl frechiadau.
- Roedd 10 (10.9%) o blant yn hwyr yn cael eu brechiadau. Mae 4 o'r bobl ifanc hyn yn Blant ar eu Pennau eu Hunain sy'n Ceisio Lloches, a chynigir rhaglen garlam iddynt gan fod eu hanes brechu'n anghyflawn. Mae angen mwy o eglurder ar gyfer ambell berson ifanc oedd heb gael brechiadau.

Cafodd 3 adolygiad eu diystyru o'r ffigurau oherwydd roedd y rhiant / person ifanc yn gwrthod cael brechiadau.

Sylw: Mae diweddarau brechiadau yn broses barhaus er mwyn cydymffurfio ag amserlenni brechu.

28. Nifer a chanran y Plant sy'n Derbyn Gofal yr aseswyd eu bod angen cymorth gan Wasanaethau Iechyd Meddwl Plant a'r Glasoed (CAMHS) a gafodd eu hatgyfeirio ac a dderbyniodd asesiad / gwasanaeth.

Targed: 50%


Gwir Berfformiad

- Mewn 1 (1.5%) adolygiad cofnodwyd bod y plentyn / person ifanc wedi cael ei atgyfeirio i CAMHS, a chadarnhawyd yn yr adolygiad hwn bod yr atgyfeiriad wedi cael ei dderbyn ar gyfer y plentyn / person ifanc.
 - Mewn 90 (94.7%) adolygiad cofnodwyd bod iechyd meddwl / emosiynol y plant / pobl ifanc wedi cael ei ystyried yn ystod yr asesiad iechyd a / neu wrth drafod yn y cyfarfod.
 - Mewn 5 (5.3%) adolygiad cofnodwyd nad oedd y problemau iechyd meddwl wedi cael eu hystyried.
- ****
- Mewn 11 (11.6%) adolygiad nodwyd bod problem iechyd meddwl gan y person ifanc.
 - Cafodd problemau ymddygiad eu nodi ar gyfer 14 (14.7%) o blant / pobl ifanc yn ystod y cyfnod hwn.

29. Natur y Ddarpariaeth Addysg:

Yn ystod y chwarter hwn roedd y plant a'r bobl ifanc a adolygwyd yn y ddarpariaeth addysg ganlynol:

Darpariaeth Addysg	
Plant cyn-ysgol	17
Disgyblion ysgol gynradd	38
Disgyblion ysgol uwchradd	27
Uned Cyfeirio Disgyblion	
Prosiectau eraill – Lleoliad Gwaith Arbenigol	
Coleg	2
Colli addysg	2
Heb fod mewn addysg, gwaith na hyfforddiant (NEET)	6
Addysg heblaw yn yr ysgol	1
Preswyl	
Wedi gadael yr ysgol	
Tiwtora	2
Addysg Ddewisol yn y Cartref	
Cyflogedig	
Cyfanswm	95



30. Nifer a chanran y Plant sy'n Derbyn Gofal o oed ysgol oedd â Chynllun Addysg Personol o fewn 20 diwrnod ysgol ar ôl dechrau derbyn gofal neu ar ôl dechrau mewn ysgol newydd.

Y targed a bennwyd 70% - Yr hyn a gyflawnwyd 93.8%

Mae'r data ar gyfer y dangosydd perfformiad hwn yn ymwneud â 65 plentyn / person ifanc a oedd dros yr oedran statudol i ddechrau ysgol ac felly'n gymwys i gael Cynllun Addysg Personol.

- Roedd gan 61 (93.8%) o blant a phobl ifanc a oedd dros yr oedran statudol i ddechrau ysgol Gynllun Addysg Personol cyfredol.
 - Mewn 14 (93.3%) adolygiad cofnodwyd bod y Cynllun Addysg Personol wedi'i gwblhau o fewn 20 diwrnod ysgol ar ôl dechrau derbyn gofal neu ar ôl newid ysgol, yn unol â'r gofynion.
 - Mewn 47 (94.0%) adolygiad cofnodwyd bod gan y person ifanc Gynllun Addysg Personol cyfredol.
- Mewn 4 (6.2%) adolygiad cofnodwyd nad oedd y Cynllun Addysg Personol wedi cael ei gwblhau o fewn y terfynau amser, fodd bynnag nodwyd mewn 2 o'r rhain fod y Cynllun Addysg Personol wedi'i gwblhau wedi hynny.

- Roedd gan 13 (20.0%) o blant a phobl ifanc a oedd yn mynd i'r ysgol / coleg anghenion dysgu ychwanegol sy'n cael eu cydnabod fel rhai ar y lefel uchaf.

- Mewn 25 (38.5%) adolygiad daethpwyd i'r casgliad bod y plant / pobl ifanc a oedd yn mynd i'r ysgol / coleg angen cymorth addysgol ychwanegol. Mewn 23 (92.0%) adolygiad cofnodwyd bod y pobl ifanc yn cael cymorth.
- Mewn 2 (8.0%) adolygiad nodwyd nad oedd y cymorth yn ei le.

- Mewn 15 (75.0%) adolygiad nodwyd bod y ddarpariaeth addysg wedi'i sefydlu ar ddechrau'r lleoliad.
- Mewn 5 (25.0%) adolygiad cofnodwyd nad oedd y ddarpariaeth addysgu wedi'i sefydlu ar ddechrau'r lleoliad.

- Mewn 4 (6.2%) adolygiad cofnodwyd y bu cyfnod pan nad oedd y plentyn / person ifanc mewn addysg tra ei fod yn aros am le mewn ysgol.

31. Mesur Cenedlaethol 32: Canran y Plant sy'n Derbyn Gofal sydd wedi symud i ysgol arall, ac eithrio trefniadau pontio.

Y targed a bennwyd 0% - Yr hyn a gyflawnwyd 0.0%

- Mewn 0 (0.0%) adolygiad cofnodwyd bod y plentyn / person ifanc wedi symud i ysgol arall, nad oedd yn sgil pontio, sy'n gyson â'r chwarter blaenorol.

32. Nifer a chanran y Plant sy'n Derbyn Gofal a gafodd eu gwahardd o'r ysgol

Y targed a bennwyd: 12% yn cael gwaharddiad dros dro – Yr hyn a gyflawnwyd 3.1%

Y targed a bennwyd: 1% yn cael gwaharddiad parhaol – Yr hyn a gyflawnwyd 0.0%

- Mewn 2 (3.1%) adolygiad adroddwyd bod y person ifanc wedi'i wahardd o'r ysgol dros dro yn ystod y cyfnod adolygu, o gymharu â 3.2% yn y chwarter blaenorol.
- Ni adroddwyd mewn unrhyw adolygiad (0.0%) bod y person ifanc wedi'i wahardd yn barhaol o'r ysgol, sy'n gyson â'r chwarter blaenorol.

Y gwaharddiadau yn ystod y chwarter hwn oedd: -

1 sesiwn, cyfanswm o 0.5 diwrnod

ADRAN TRI

YMGYNGHORI A CHYFRANOGI

- 1. Dangosydd Perfformiad Lleol: Nifer a chanran y Plant sy'n Derbyn Gofal a oedd yn ddigon hen ac yn meddu ar ddigon o grebwyll fel bod Gweithiwr Cymdeithasol wedi medru ymgynghori â hwy neu roeddent yn bresennol yn y cyfarfod adolygu.**

Y targed a bennwyd 100% – Yr hyn a gyflawnwyd 100.0%

Mae'r data ar gyfer y dangosydd perfformiad hwn yn ymwneud â 72 adolygiad oherwydd cofnodwyd mewn 23 adolygiad nad oedd y plant / pobl ifanc yn ddigon hen nac yn meddu ar ddigon o grebwyll i fod yn rhan o'r broses ymgynghori, er bu 2 o'r rhain yn bresennol yn yr adolygiad.

- Cofnodwyd ymhob un o'r 72 (100.0%) adolygiad fod ymgynghori wedi digwydd.

Dadansoddiad o'r ymgynghori

Bu 38 plentyn / person ifanc yn bresennol yn eu cyfarfod adolygu drwy ddulliau hybrid / Teams.

Roedd 34 plentyn / person ifanc wedi cwblhau papurau ymgynghori, wedi siarad â'r Swyddog Adolygu Annibynnol a / neu roedd gweithwyr proffesiynol, rhieni, gofalwyr neu eiriolwyr wedi'u cynrychioli yno.

- Cysylltodd y Swyddog Adolygu Annibynnol yn uniongyrchol â 23 plentyn / person ifanc yn ystod y cyfnod adolygu tu hwnt i'r cyfarfod adolygu.

- 2. Dangosydd Perfformiad Lleol: Nifer a chanran y plant a oedd yn gwybod am eu hawl i gael Gwasanaeth Eirioli / Cynllun Ymwelydd Annibynnol.**

Y targed a bennwyd 100% - Yr hyn a gyflawnwyd 88.3%

Mae'r data ar gyfer y dangosydd perfformiad hwn yn ymwneud â 77 adolygiad oherwydd cofnodwyd mewn 18 adolygiad nad oedd y plant / pobl ifanc a adolygwyd yn ddigon hen nac yn meddu ar ddigon o grebwyll i gael gwybod am eu hawl i gael Eiriolwr / Cynllun Ymwelydd Annibynnol, ac felly fe'u diystyriwyd o'r ffigurau.

- Cafodd 68 (88.3%) plentyn / person ifanc wybod am eu hawl i gael Eiriolwr / Cynllun Ymwelydd Annibynnol.

3 **Dangosydd Perfformiad Lleol: Nifer a chanran y plant a gafodd wybod am y drefn gwyno.**

Y targed a bennwyd 100% - Yr hyn a gyflawnwyd 95.1%

Mae'r data ar gyfer y dangosydd perfformiad hwn yn ymwneud â 66 adolygiad oherwydd cofnodwyd mewn 29 adolygiad nad oedd y plentyn / person ifanc yn ddigon hen nac yn meddu ar ddigon o grebwyll, felly fe'u diystyriwyd o'r ffigurau.

- Roedd 65 (98.5%) o blant / pobl ifanc yn gwybod am y drefn gwyno, o gymharu â 95.1% yn y chwarter blaenorol.
- Mewn 1 (1.5%) adolygiad cofnodwyd bod y Swyddog Adolygu Annibynnol yn ansicr a oedd y plentyn / person ifanc yn gwybod am y broses gwyno neu beidio.

4 **Dangosydd Perfformiad Lleol: Nifer a chanran y rhieni y bu i'r gweithiwr cymdeithasol ymgynghori â hwy cyn yr adolygiad neu a fu'n bresennol yn y cyfarfod adolygu.**

Y targed a bennwyd 80% - Yr hyn a gyflawnwyd 100.0%

Mae'r data ar gyfer y dangosydd perfformiad hwn yn ymwneud ag 84 adolygiad oherwydd cofnodwyd mewn 11 adolygiad nad oedd y rhieni yn rhan o'r broses adolygu statudol, ac felly fe'u diystyriwyd o'r ffigurau.

- Cwblhaodd pob un o'r 84 (100.0%) o rieni bapurau ymgynghori neu roeddent wedi cwrdd neu siarad â'r Swyddog Adolygu Annibynnol cyn a / neu ar ôl y cyfarfod adolygu, a / neu roeddent yn bresennol yn y cyfarfod adolygu, a / neu roedd gweithiwr proffesiynol wedi'u cynrychioli yno.

Dadansoddiad o'r ymgynghori

Cafodd papurau ymgynghori eu hanfon ar gyfer pob un o'r 84 adolygiad.

Mewn 45 adolygiad cadarnhawyd bod y rhieni'n bresennol neu eu bod wedi siarad â'r Swyddog Adolygu Annibynnol dros y ffôn cyn a / neu ar ôl yr adolygiad.

5 **Dangosydd Perfformiad Lleol: Nifer a chanran y gofalwyr maeth y bu i'r gweithiwr cymdeithasol ymgynghori â hwy neu a fu'n bresennol yng nghyfarfod adolygu'r plentyn.**

Y targed a bennwyd 100% - Yr hyn a gyflawnwyd 100.0%

Mae'r data ar gyfer y dangosydd perfformiad hwn yn ymwneud ag 86 adolygiad oherwydd cofnodwyd mewn 9 adolygiad bod y plentyn wedi'i leoli â rhiant neu'n byw'n annibynnol, felly diystyriwyd yr adolygiadau hyn o'r ffigurau.

- Cwblhaodd pob un o'r 86 (100.0%) o ofalwyr maeth bapurau ymgynghori a / neu buont yn bresennol yn y cyfarfodydd adolygu yn ystod y cyfnod hwn.

6 Dangosydd Perfformiad Lleol: Nifer a chanran y cynrychiolwyr iechyd a fu'n bresennol mewn adolygiad neu a anfonodd adroddiad.

Y targed a bennwyd 100% - Yr hyn a gyflawnwyd 93.7%

- Mewn 89 (93.7%) adolygiad cadarnhawyd bod gwybodaeth am iechyd ar gael ar gyfer y cyfarfod.
- Mewn 6 (6.3%) adolygiad adroddwyd nad oedd gwybodaeth am iechyd ar gael ar gyfer y cyfarfod.

Sylw: Pan fo pobl ifanc yn byw y tu allan i'r sir, mae'n fwy anodd cael y gweithwyr iechyd proffesiynol i fod yn bresennol.

7. Dangosydd Perfformiad Lleol: Nifer a chanran y cynrychiolwyr ysgol a fu'n bresennol mewn adolygiad neu a anfonodd adroddiad.

Y targed a bennwyd 100% - Yr hyn a gyflawnwyd 95.7%

- Mewn 67 (95.7%) adolygiad roedd rhywun o'r ysgol yn bresennol neu wedi darparu adroddiad ysgrifenedig, o gymharu â 94.2% yn y chwarter blaenorol.

8. Dangosydd Perfformiad Lleol: Nifer a chanran y Dogfennau Adolygu Plant sy'n Derbyn Gofal a gwblhaodd y Gweithiwr Cymdeithasol cyn yr adolygiad.

Y targed a bennwyd 100% - Yr hyn a gyflawnwyd 49.5%

- Mewn 47 (49.5%) adolygiad cadarnhawyd bod y gweithiwr cymdeithasol wedi cwblhau'r ddogfen adolygu cyn y cyfarfod adolygu, o gymharu â 54.5% yn y chwarter blaenorol.
- Mewn 48 (50.5%) adolygiad cadarnhawyd nad oedd y gweithiwr cymdeithasol wedi cwblhau'r ddogfen adolygu cyn y cyfarfod adolygu.

**ADRAN PEDWAR:
PROTOCOL DATRYS PROBLEMAU**

Ni weithredodd y Swyddog Adolygu Annibynnol y Protocol Datrys Problemau ar gyfer unrhyw blentyn yn ystod y cyfnod hwn.

Cynhaliwyd 7 adolygiad canol cyfnod yn ystod y cyfnod hwn a lle'r oedd angen roedd y Swyddog Adolygu Annibynnol yn cynnal adolygiad yn gynt pan roedd pryderon.

ADRAN PUMP

GWERTHUSO

Nid oedd y wybodaeth hon ar gael ar gyfer y chwarter hwn.

ADRAN CHWECH

CYNLLUNIAU LLWYBR

Ar gyfer pobl ifanc dros 16 oed nad ydynt yn blant sy'n derbyn gofal / pobl ifanc dros 18 oed sydd wedi gadael gofal

Cynhaliwyd 17 Adolygiad o Gynlluniau Llwybr yn ystod y chwarter hwn.

1 Dangosydd Perfformiad: Canran yr Adolygiadau o Gynlluniau Llwybr a gynhaliwyd o fewn y terfynau amser.

- Cynhaliwyd 14 (82.4%) Adolygiad o Gynlluniau Llwybr o fewn y terfynau amser, o gymharu â 90.0% yn y chwarter blaenorol.
- Cynhaliwyd 3 (17.6%) Adolygiad o Gynlluniau Llwybr y tu hwnt i'r terfynau amser. Dyma oedd y rhesymau a gofnodwyd:-
 - Aildrefnwyd 1 adolygiad oherwydd argaeledd y person ifanc / ymgynghorydd personol.
 - Gohiriwyd un adolygiad arall oherwydd argaeledd lleoliad.
 - Gohiriwyd un adolygiad arall oherwydd bod angen i weithiwr cymdeithasol fod yn rhan o'r adolygiad.

2 Dangosydd Perfformiad: Canran y bobl ifanc ag Ymgynghorydd Personol / Gweithiwr Cymdeithasol dynodedig.

- Ymhob un o'r 17 (100%) adolygiad nodwyd bod gan yr holl bobl ifanc Ymgynghorydd Personol a / neu Weithiwr Cymdeithasol dynodedig.

3 Dangosydd Perfformiad: Canran y Cofnodion Adolygu Cynlluniau Llwybr a oedd wedi'u cwblhau erbyn y cyfarfod.

- Roedd y Cofnod Adolygu wedi'i gwblhau ar gyfer 16 (94.1%) Adolygiad o Gynlluniau Llwybr, o gymharu â 70.0% yn y chwarter blaenorol.
- Mewn 1 (5.9%) adolygiad adroddwyd nad oedd y Cofnod Adolygu wedi'i gwblhau adeg yr adolygiad.

4 Dangosydd Perfformiad: Canran y bobl ifanc yr ymgynghorwyd â hwy ar gyfer y cyfarfod adolygu.

- Cadarnhawyd mewn 16 (94.1%) adolygiad y bu'r bobl ifanc yn bresennol yn y cyfarfod adolygu a / neu fod rhywun wedi'u cynrychioli yno.
- Nodwyd mewn 1 (5.9%) adolygiad nad oedd y person ifanc yn bresennol yn y cyfarfod adolygu a / neu fod rhywun wedi'i gynrychioli yno.

- 5 **Dangosydd Perfformiad: Canran y bobl ifanc a oedd yn bresennol yn eu cyfarfod adolygu.**
- Mewn 6 (35.3%) adolygiad cofnodwyd y bu'r person ifanc yn bresennol yn y cyfarfod adolygu.
 - Mewn 11 (64.7%) adolygiad cofnodwyd na fu'r person ifanc yn bresennol yn y cyfarfod adolygu.
- 6 **Dangosydd Perfformiad: Canran y Cynlluniau Llwybr oedd yn bodloni anghenion y person ifanc.**
- Mewn 16 (94.1%) adolygiad cadarnhawyd bod y Cynllun Llwybr yn bodloni anghenion y person ifanc.
 - Mewn 1 (5.9%) adolygiad nodwyd nad oedd Cynllun Llwybr yn ei le.
- 7 **Dangosydd Perfformiad: Canran y Cynlluniau Llwybr a ddiweddarwyd cyn gadael gofal / troi'n 18 oed.**
- Mewn 2 (66.7%) adolygiad cadarnhawyd bod y Cynllun Llwybr wedi'i ddiweddarau cyn i'r person ifanc adael gofal / troi'n 18 oed.
 - Mewn 1 (33.3%) adolygiad cofnodwyd nad oedd y Cynllun Llwybr wedi'i ddiweddarau cyn i'r person ifanc adael gofal / troi'n 18 oed.
- 8 **Gwerthuso – Nid oedd y wybodaeth hon ar gael ar gyfer y chwarter hwn.**

ADRAN SAITH

GOFAL SEIBIANT BYR RHEOLAIDD

Ni chynhaliwyd unrhyw adolygiad o ofal seibiant byr rheolaidd yn ystod y chwarter hwn.

ADRAN WYTH

GOFAL SEIBIANT BYR

Ni chynhaliwyd unrhyw adolygiadau o ofal seibiant byr yn ystod y chwarter hwn.